

Practicist per lavurs da fundament AFP

Practicista per lavurs da fundament AFP

Planung, Hochbau, Tiefbau

Sco practicista u practicist per lavurs da fundament preparas ti il terren per lavurs da construcziun, per ch'el saja stabil e segir. Ti gidas a far sondagis ed analisas dal terren e segireschas ils fossals. Ti pumpas giu aua e rinforzas il sutterren cun cement u atschal.

Incumbensas

Preparar lavurs

- preparar il material e las maschinas, transportar al plazzal e deponer tut là
- installar ils instruments, ils apparats ed ils taraders tenor las instrucziuns
- signalisar l'access al plazzal, construir barrieras da segirezza e saivs, montar signals ed illuminaziun
- gidar a stajar la parcella tenor ils plans
- far skizzas sche necessari

Realisar lavurs da fundament

- allontanar terren, p.ex. cun palas, exchavatur ed autras maschinas
- segirar il fossal: bloccar foss, metter pitgas, isolar las paraids e pumpar giu l'aua sutterrana
- analisar il terren, p.ex. las differentas stresas da crappa
- consolidar il terren, p.ex. injectar maschaidas da cement, emplenir foras, montar fortificaziuns d'atschal e segirar spundas cun ancras da grip

Terminar las lavurs

- metter en urden la piazza da lavur e dismetter ils ruments en moda ecologica
- scriver rapports da lavur
- observar las prescripziuns da segirezza e d'ambient
- tgirar e reparar maschinas ed utensils

Ambient da lavur

Sco practicista u practicist per lavurs da fundament lavuras ti sin piazzals da construcziun auta e bassa, al liber e da tutt'aura. Ti lavuras en teams, es savens en gir, perquai che ti survegns incumbensas da lavur en l'entira Svizra. Ti portas in equipament da protecziun cun chapellina, guants e chalzers rinforzads. Ils temps da lavur dependan da la stagiun, la stad datti per regla dapli lavur che durant l'enviern.

Ti lavuras en interpresas da la construcziun bassa speziala e vegns savens engaschè da firmas da construcziun e da sondagi.

Pretensiuns e interess

Pretensiuns

- Resistenza corporala



- Inschign manual
 - Resistenza a la temperatura u a l'aura
 - Abilitad da lavurar en in team
 - Imaginaziun tridimensiunala
 - Gronda toleranza da canera
 - Prontezza d'esser savens sin viadi
-

Interess

- Lavurar en il liber
- Lavurar cun ils mauns
- Esser corporalmain activ
- Esser savens sin viadi

Scolaziun

Manaschis

Furmaziun pratica en ina interpresa da la construcziun bassa speziala

Scola

Curs da bloc da 9 emnas per onn en la Scola professiunala spezialisada per la construcziun da vias da traffic a Sursee (LU)

Curs odaifer il manaschi

Scola professiunala spezialisada (SPS) per la construcziun da vias da traffic a Sursee: 20 dis durant 2 onns

Durada

2 onns

Cundiziuns d'admissiun

Terminà la scola obligatorica

Titel da finiziun

Practicist / Practicista per lavurs da fundament AFP

Furmaziun cuntinuonta

Curs

Curs da l'associaziun Infra Suisse ↗
<https://infra-suisse.ch/bildung/kurse/>

e da la Societad svizra dals impressaris constructurs ↗
https://baumeister.swiss/bildung/weiterbildung-und-kurse/?_gl=1*r8nk3g*_up*MQ..*_ga*NjE2MTQ1NTk2LjE3Mjc2OTg1MTc.*_ga_ZS77FCKD02*MTcyNzY5ODUxNi4xLjEuMTcyNzY5ODUyMy4wLjAuMA..
(SSIC)

Emprendissadi supplementar

Sco practicista u practicist per lavurs da fundament pos ti per regla far in emprendissadi scursani da sondadra u sondader AFQ.

Professiuns sumegliantas

Professiun Practicist / Practicista da tschentar palantschieus industrials e purtants AFP https://www.berufsberatung.ch/de/rm/professiun/practicist-practicista-da-tschentar-palantschieus-industrials-e-purtants-afp	Professiun Practicist / Practicista da construcziun da vias AFP https://www.berufsberatung.ch/de/rm/professiun/practicist-practicista-da-construcziun-da-vias-afp	Professiun Miradur / Miradura AFP https://www.berufsberatung.ch/de/rm/professiun/miradur-miradura-afp
Professiun Sulader / Suladra AFP https://www.berufsberatung.ch/de/rm/professiun/sulader-suladra-afp	Professiun Practicist / Practicista da la montascha da binaris AFP https://www.berufsberatung.ch/de/rm/professiun/practicist-practicista-da-la-montascha-da-binaris-afp	

Ulteriuras infurmaziuns

Swissdoc Nummer

0.430.46.0

TODO

Infra Suisse
<https://www.infra-suisse.ch>
Branchenorganisation der im Infrastrukturbau tätigen Unternehmen

Bauberufe
<https://bauberufe.ch>
Schweizerischer Baumeisterverband (SBV)

TODO
<https://www.becc.admin.ch/becc/public/bvz/beruf/show/51423?lang=de>